



**UNIT KOMUNIKASI KORPORAT  
JABATAN PERIKANAN MALAYSIA  
BERITA PERIKANAN HARI INI**

**09 Disember 2022  
14 Jamadilawal 1444H**

<b>SENARAI AKHBAR</b>	<b>TAJUK</b>
Utusan Malaysia	•
Berita Harian	•
Harian Metro	• Upah Pati RM2,000 rompak hasil negara
Kosmo !	• PATI makan gaji RM2,000 sebulan jadi nelayan
Sinar Harian	• Jabatan Perikanan kawal ancaman ikan pemangsa
The Star	•
The Straits Time	•
Nanyang Siang Pau	•
Malaysia Gazette	•
Harakah	•
Malaysiakini	•
Bernamea	•
Borneo Post (KK)	•
Guan Ming Daily	•
Sabah Media	•

UTUSAN MALAYSIA		KOSMO!		THE STAR		NANYANG SIANG PAU		MUKA SURAT	TARIKH
BERITA HARIAN		SINAR HARIAN	/	THE SUN		ORIENTAL DAILY			
HARIAN METRO		NEW STRAITS TIMES		THE MALAY MAIL		PELBAGAI			
KATEGORI LIPUTAN: POSITIF			NEGATIF		NEUTRAL			26	9.12.2022

## Jabatan Perikanan kawal ancaman ikan pemangsa

**TELUK INTAN** - Kerajaan negeri Perak memandang serius ancaman ikan asing yang mengganggu habitat spesies ikan asli di perairan umum seperti sungai dan tasik di negeri ini.

Exco Pembangunan Luar Bandar, Perladangan, Pertanian dan Industri Makanan negeri, Datuk Mohd Zolkafly Harun berkata, usaha bagi menyekat dan mengurangkan kehadiran ikan-ikan seperti baung ekor merah, keli afrika dan sebagainya telah dilakukan Jabatan Perikanan serta agensi-agensi lain.

Menurutnya, kawalan tersebut amat penting dalam memastikan pendapatan nelayan darat di negeri ini tidak terjejas.

"Jadi, langkah-langkah ini telah pun diambil Jabatan Perikanan dan lain-lain jabatan serta agensi bagi menyekat, mengurangkan ataupun mengambil tindakan yang bersesuaian dengan akta, undang-undang dan sebagainya supaya pembuangan ataupun pelepasan ikan-ikan ini dapat dikawal dan disekat.

"Tindakan ini penting bagi menjamin ikan-ikan asli yang ada di perairan umum di Perak ini terjamin sekali gus akan memberikan pendapatan konsisten kepada nelayan darat," katanya.

Beliau berkata demikian kepada pemberita selepas Program Perasmian Jeti Nelayan Darat Sungai Kerawai, Teluk Intan dan penyampaian sijil *The Malaysia Book of Records* sempena kejayaan program pelepasan benih ikan dan udang di perairan umum negeri Perak di sini pada Khamis.

Hadir sama pada majlis itu, Pengarah Perikanan Negeri Perak, Noraishah Hashim.



Mohd Zolkafly (lima dari kiri) menyempurnakan pelepasan ikan di Jeti Nelayan Darat Sungai Kerawai pada Khamis.

UTUSAN MALAYSIA		KOSMO!		THE STAR		NANYANG SIANG PAU		MUKA SURAT	TARIKH
BERITA HARIAN		SINAR HARIAN		THE SUN		ORIENTAL DAILY			
HARIAN METRO	/	NEW STRAITS TIMES		THE MALAY MAIL		PELBAGAI			
KATEGORI LIPUTAN:		POSITIF		NEGATIF		NEUTRAL		4	9-12-2022

**Tanjong Karang:** Agensi Penguatkuasaan Maritim Malaysia (APMM) Selangor mendedahkan nelayan warga asing dipercayai diupah RM2,000 untuk menangkap ikan di zon larangan perairan negara ini.

Pengarah Maritim Selangor Kepten Maritim V Siva Kumar berkata, pihaknya mengesan perkara itu selepas menahan empat nelayan termasuk tiga warga Myanmar di kedudukan 2.4 batu nautika Sungai Burong di sini, jam 10.30 pagi kelmarin.

Beliau berkata, semua nelayan berusia 25 hingga 35

## Upah Pati RM2,000 rompak hasil negara

tahun ditahan menerusi rondaan rutin Op Ehsan dan Op Benteng Laut.

“Bot dikendalikan empat kru termasuk seorang tekong warga Malaysia.

“Hasil pemeriksaan mendapati bot itu menggajikan kru warga Myanmar dan mereka dipercayai dibayar RM2,000 untuk menangkap ikan di zon larangan,” katanya.

Siva Kumar berkata, pemeriksaan mendapati se-

mua warga asing tiada dokumen pengenalan diri yang sah.

“Kita dimaklumkan warga Myanmar ini akan bekerja di bot untuk tempoh sekurang-kurangnya tiga hingga enam bulan.

“Bot bersama kru dibawa ke jeti Polis Marin Pulau Indah untuk tindakan lanjut dan Kes disiasat mengikut Akta Perikanan 1985 dan Akta Imigresen 1959/63,” katanya.

metro ms4



EMPAT nelayan termasuk tiga warga Myanmar yang ditahan APMM.

UTUSAN MALAYSIA		KOSMO!	✓	THE STAR		NANYANG SIANG PAU		MUKA SURAT	TARIKH
BERITA HARIAN		SINAR HARIAN		THE SUN		ORIENTAL DAILY			
HARIAN METRO		NEW STRAITS TIMES		THE MALAY MAIL		PELBAGAI			
KATEGORI LIPUTAN: POSITIF				NEGATIF		NEUTRAL		12	9.12.2023

## PATI makan gaji RM2,000 sebulan jadi nelayan



SEORANG tekong warga tempatan termasuk tiga PATI ditahan di perairan Tanjung Karang, Kuala Selangor kelmarin. KOSMO M512

**KUALA SELANGOR** – Kegiatan penangkapan ikan dengan menggaji pendatang asing tanpa izin (PATI) sejak enam bulan lalu terbongkar dengan penahanan sebuah bot nelayan di kedudukan 2.4 batu nautika dari Sungai Burong, Tanjung Karang, di sini kelmarin.

Dalam kejadian kira-kira pukul 10.30 pagi, tiga lelaki warga Myanmar yang dipercayai dibayar gaji bulanan RM2,000 ditahan bersama tekong warga tempatan.

Kesemua yang berusia antara 25 hingga 35 tahun ditahan menerusi rondaan rutin Op Ehsan dan Op Benteng Laut.

Pengarah Maritim Selangor, Kepten Maritim V. Siva Kumar berkata, bot nelayan kelas B1 itu juga didapati melanggar syarat sah lesen apabila menangkap hasil laut kurang daripada lima batu nautika.

Katanya, hasil pemeriksaan mendapati, bot itu dikendalikan oleh empat kru termasuk tekong warga Malaysia.

“Pemeriksaan dokumen mendapati, kesemua kru warga asing gagal mengemukakan pengenalan diri yang sah.

“Siasatan turut mendapati PATI itu telah digaji antara tiga hingga enam bulan lalu dengan

gaji RM2,000 sebulan,” katanya dalam kenyataan di sini semalam.

Jelas beliau, pihaknya turut merampas 100 kilogram hasil ikan campuran yang ditangkap mereka sepanjang berada di laut.

Difahamkan, itu merupakan kesalahan pertama dilakukan oleh bot nelayan tersebut dan bot bersama suspek dibawa ke Jeti Polis Marin Pulau Indah untuk diserahkan kepada pegawai penyiasat Maritim Malaysia (APMM) untuk tindakan lanjut.

“Kes disiasat mengikut Akta Perikanan 1985 dan Akta Imigrasi 1959/63,” katanya.